



COMUNU DE CABUDERRA

Tzitadi Metropolitana de Casteddu

DELIBERATZIONI DE SU Consillu COMUNALI

N. 01 DE SU 27/01/2023

OGETU: *DII DE SA MEMÒRIA - INTEGRATZIONI DELÌBERA C.C. N.1 DE SU 2022.*

S' annu 2023, su 27 de su mesi di Gennàrgiu a ora de is 17.30, in sa sala de is adunàntzias, s' est atobiau su Consillu Comunali in setziada Straordinària de Primu cunvocatzioni.

Sangunau e Nòmini

Garau Beniamino
Lilliu Susanna
Cabras Silvia
Magi Francesco
Caruso Luigi
Marras Gianluigi
Congiu Francesco
Melis Carla
Corda Silvano
Meloni Gavino
Coronas Maria Lucia
Nasca Michele
Cugis Erica
Piano Stefano
Demuru Efsio
Piga Beniamino
Dessi Francesco
Puddu Maria Bernadette
Dessi Giuseppe
Serreli Rita
Frau Luigi

Presenti

Eja
Eja
Eja
Eja
Eja
Eja
Eja
No
No
No
Eja
Eja
Eja
Eja
Eja
Eja
Eja
Eja
Eja
Eja
Eja

Presentis: 18

Ausentis: 3

Pigant parti a s'atòbiu is assessoris comunalis: Sorgia Silvia, Garone Katuscia, Frongia Pietro;

Pigat parti a sa setziada su Segretàriu Generali Sa Dotora Felicina Deplano;

Su Presidenti de su Consillu, Piano Stefano, de chi at averiguau chi su nùmeru de is presentis est cunforma sa lei, de crarat aberta sa setziada, chi si fait in diretta streaming.

Su Presidenti de su Consillu Comunali Stefano Piano, presentat sa chistioni chi fait pari de s' Agenda de is traballus po sa dii, cun ogetu "Dii de sa Memòria – Integratzioni Delibera C.C. n.1 de su 2022";

Comunicat ca sa proposta de integratzioni de sa Delibera C.C. n. 1/2022 dd' ant cumpartzida a totòmini is cabugrupus de su Consillu;

Ca nemus at pediu de chistionai, decrarat chi si funt serrendi totu is arrexonamentus e fait votai sa proposta de delibera de integratzioni a s' atu C.C. 1/2022, aici comentis sighit:

SU CONSILLU COMUNALI

Postu chi:

- Sa Repùblica italiana arreconoscit sa dii de su 27 de gennàrgiu, sa dii chi ant liberau Auschwitz, "Dii de sa Memòria", po arregordai sa Shoah (su disacatu de su pòpulu ebràicu), is leis arratzialis, sa pressighida italiana de is tzitadinus ebreus, is italianus chi ant sunfri sa deportatzioni, su presoni, sa morti, e finas chini at parau fronti a su progetu de destruida e cun s' arriscu de nci perdi sa vida at agiudau is pressighius e sarvau àteras vidas.

- Po sa "Dii de sa Memòria" cunforma a s' artìculu 1, ant organizau cerimònias e atòbius innui contai e arregordai cuddus tempus, pruschetotu me in is scolas de dònna òrdini e gradu, contendi de su pòpulu ebràicu e de is deportaus militaris e politicus italianus in is campus nazistas de manera chi no si scarèsciat sa stòria de su Paisu nostu e de s' Europa, e finas po chi custus disacatus no acuntessant prus.

Donau atu ca cun deliberatzioni n. 1 de su 27/01/2022, su Consillu Comunali at liau s' impinnu po su Sìndigu, sa Giunta e sa Presidèntzia de su Consillu de promovi dònna annu sa dii 27 de gennàrgiu:

- sa partecipatzioni de is scolas de dònna òrdini e gradu de su territòriu comunali cun iniziativa stòricu culturalis asuba de sa Shoah;

- fai de manera chi sa Biblioteca comunali, po sa Dii de sa Memòria – dii internatzionali chi arregordat su 27 de gennàrgiu, dii de sa liberatzioni de Auschwitz in su 1945, po arregordai is mortus de s' Olocàustu, potzat aprontai leturas asuba de sa Shoah, sceberendi intra de is liburus de sa Biblioteca etotu;

- unu *Post* po sa dii de sa memòria in su situ istituzionali de su comunu.

- letura de scritus po sa dii de sa memòria in su Consillu comunali;

- cunvocatzioni de su Consillu comunali po su 27 de gennàrgiu;

- a insertai in su bilàntziu comunali unu capìtulu de gastu po agiudai e promovi iniziativa, atòbius e viàgius a favori de is istituzionis scolàsticas de dònna òrdini e gradu de su Comunu de Cabuderra, asuba de sa Dii de sa Memòria e sa Dii de s' Arregordu;

- a aprontai unu bandu comunali po individuai iniziativa e atividadis pertocantis unu o ambaduu argumentus ogetu de su bandu.

Stabiliu chi custas iniziativa si podint fai fintzas in diis diferentis de su 27 de gennàrgiu ma sèmpiri ainturu de sa pròpiu cida;

Biu su Statutu Comunali;

Biu su Regulamentu de Funtzionamentu de su Consillu Comunali;

- Su Presidenti de su Consillu fait votai su puntu in s' agenda de is traballus po sa dii;

Cun votatzioni a totòmini cunforma a sa lei,

DELÌBERAT

- Po sa Dii de sa Memòria, de arregordai, finas in diis diferentis ma de sa pròpiu cida, su 27 de gennàrgiu cun is initziativas afatantis:

- sa partecipazioni de is scolas de dònna òrdini e gradu de su territòriu comunali cun initziativas stòricu culturalis asuba de sa Shoah;

- fai de manera chi sa Biblioteca comunali, po sa Dii de sa Memòria – dii internatzionali chi arregordat su 27 de gennàrgiu, dii de sa liberatzioni de Auschwitz in su 1945, po arregordai is mortus de s' Olocàustu, potzat aprontai leturas asuba de sa Shoah, sceberendi intra de is liburus de sa Biblioteca etotu;

- unu *Post* po sa dii de sa memòria in su situ istituzionali de su comunu.

- letura de scritus po sa dii de sa memòria in su Consillu comunali;

- cunvocatzioni de su Consillu comunali po su 27 de gennàrgiu;

- a insertai in su bilàntziu comunali unu capìtulu de gastu po agiudai e promovi initziativas, atòbius e viàgius a favori de is istituzionis scolàsticas de dònna òrdini e gradu de su Comunu de Cabuderra, asuba de sa Dii de sa Memòria e sa Dii de s' Arregordu;

- a aprontai unu bandu comunali po individuai initziativas e atividadis pertocantis unu o ambaduuus argumentus ogetu de su bandu.

- Cun votatzioni a favori de crarat chi custa Deliberatzioni at a balli luegus etotu cunforma a s' art.134 de su D.L. gs 267/2000.

Unus cantu consilleris ligint scritus po sa Dii de sa Memòria: Lilliu Susanna; Puddu Maria Bernardette; Serreli Rita; Dessì Giuseppe; Coronas M. Lucia; Demuru Efsio; su Consilleri Magi chistionat de Karl Eichmann; serrant is traballus: - su Consilleri Piga, su Sindigu e su Presidenti de su Consillu.
